



Broj: 09/2-3-16-8-22897-6/18
Sarajevo, 01.10.2018.godine

Na osnovu člana 64. stav 1. tačka b.), člana 70. stav 1, 3. i 6. Zakona o javnim nabavkama BiH ("Službeni glasnik BiH", br. 39/14), te prijedloga Komisije za nabavke utvrđenog u zapisniku broj: JN1-16-4-int-1424-1/18 od 26.09.2018. godine, **d o n o s i m:**

ODLUKU

o izboru najpovoljnijeg ponuđača

Ponuđač "**GODIMERC**" d.o.o. Sarajevo sa ponudom broj 1309A-18 od 12.09.2018. godine, proglašava se najpovoljnijim, te se imenovanom ponuđaču dodjeljuje ugovor za nabavku računarske opreme i printera za potrebe MVP BiH, tj za **LOT 2** (network printer–Tip1, network printer–Tip2, multifunkcijski printer–Tip1, multifunkcijski printer –Tip2).

Ova odluka objavit će se na web-stranici www.mvp.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. Stav 6. Zakona o javnim nabavkama.

Po pravosnažnosti ove odluke,ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak javne nabavke pokrenut je Odlukom o pokretanju postupka broj: 09/2-3-int-1448-1/18 od 13.07.2018. godine, u kojoj je predviđeno da je procijenjena vrijednost javne nabavke za LOT-1 i LOT-2 bez PDV-a 104.273,50 KM odnosno sa PDV-om 122.000,00 KM.

Obavještenje o nabavci br: 253-1-1-25-3-12/18, objavljeno je na Portalu javnih nabavki dana 23.08.2018. godine, a sažetak obavještenja o nabavci objavljen je u Službenom glasniku BiH br: 59 od 31.08.2018. godine, na osnovu kojeg je proveden otvoreni postupak predmetne nabavke roba za potrebe Ministarstva vanjskih poslova BiH.

Analizom dokumentacije pristiglih ponuda, te suštinskom provjerom sadržaja i validnosti dokumentacije, Komisija je utvrdila da ponuda ponuđača za LOT-2:

1. „Godimerc“ d.o.o. Sarajevo;

zaključno sa rednim brojem 1 (jedan),

ispunjava formalno-pravne i tehničke zahtjeve Ministarstva vanjskih poslova BiH, te da je prihvatljiva i može biti predmet vrednovanja shodno kriterijima utvrđenim Obavještenjem o nabavci, odnosno tenderskom dokumentacijom.

Tenderskom dokumentacijom, kao i Odlukom o pokretanju postupka, za ovaj predmet nabavke bilo je predviđeno provođenje E-aukcije, međutim kako je pristigla samo jedna ponuda za LOT-2, E-aukcija nije provedena, a kako je to i predviđeno članom 3. stav (3) Pravilnika o uslovima i načinu korištenja E-aukcije.

Polazeći od činjenice da prihvatljiva ponuda u formalno-pravnom, ekonomskom i tehničkom smislu ispunjava zahtjeve Ministarstva vanjskih poslova BiH, primjenom kriterija „najniža cijena tehnički zadovoljavajuće ponude“, Komisija je zapisnikom broj: JN1-16-4-int-1424-1/18 od 26.09.2018. godine, utvrdila rang listu ponuda i to:

Redni br.	Naziv/ ime ponuđača	Ponudena cijena ponude bez PDV-a– LOT 2	PDV – LOT 2	Ukupna cijena ponude sa PDV-om za LOT 2
1.	GODIMERC d.o.o. Sarajevo	18.750,00 KM	3.187,50 KM	21.937,50 KM

shodno kojoj je prvoplasirana i najpovoljnija ponuda ponuđača: **"GODIMERC" d.o.o. Sarajevo**, sa cijenom od **18.750,00 KM bez PDV-a odnosno sa ukupnom cijenom ponude sa PDV-om u iznosu od 21.937,50 KM** te da ista u ekonomskom i tehničkom smislu u potpunosti zadovoljava zahtjeve ugovornog organa. Cijeneći navedeno, a u skladu sa članom 64. stav 1. tačka b) i članom 65. Zakona o javnim nabavkama BiH, data je preporuka da se donese Odluka o izboru najpovoljnijeg ponuđača kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, najkasnije u roku od 10 (deset) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.

DOSTAVITI:

1. Svim učesnicima u postupku javne nabavke;
2. Evidenciji a/a.

